

ORUŽJE NE ŠTITI, ORUŽJE UBIJA!

#OruzjeNeStitiOruzjeUbija



Ovaj materijal je izrađen u okviru društveno odgovorne kampanje podizanja svijesti o opasnosti koje predstavlja upotreba vatrenog oružja a koju u okviru PILLAR (Prevention and Illicit Arms Reduction) projekta realizira Razvojni program Ujedinjenih naroda u Bosni i Hercegovini (UNDP BiH) uz partnerstvo sa Koordinacionim odborom za kontrolu malog oružja i lakog naoružanja u Bosni i Hercegovini i Ministarstvom unutrašnjih poslova Tuzlanskog kantona.



ROADMAP
FOR A SUSTAINABLE SOLUTION TO THE ILLICIT POSSESSION,
POSSESS AND TRAFFICKING OF SMALL AND THEIR AMMUNITION
IN THE WESTERN BALKANS BY WPUZ



Tragedija u Kalinoviku: Slučajno iz puške ubio druga pa ga držao na rukama do dolaska policije i Hitne!



TRAGEDIJA U SARAJEVU: Dječak se ubio čisteći očevu pušku!



Ubistvo u Mostaru: Sedamnaestogodišnjak automatskom puškom ubio vršnjaka pa se sam predao policiji, osuđen na devet godina i tri mjeseca zatvora!

Naslovi koje ste pročitali su iz bosanskohercegovačkih medija i govore o stvarnim pričama i ljudskim tragedijama u kojima su od vatrenog oružja stradali nedužni mladi ljudi!

NESREĆA NE BIRA

Za četiri godine* u Bosni i Hercegovini je evidentirano 29 nesretnih slučajeva sa smrtnom posljedicom izazvanih vatrenim oružjem. Svaka šesta smrt (izuzimajući samoubistva) povezana s vatrenim oružjem bila je posljedica nesretnog slučaja.

Podaci ministarstava unutrašnjih poslova BiH govore da su ovakvi nesretni slučajevi podjednako česti u svim dijelovima BiH, uključujući Federaciju BiH, Republiku Srpsku i Brčko distrikt BiH.

Zajedničku ulogu u svim slučajevima igra vatreno oružje - koje nije trebalo biti tu!

SMRT, POVREDE, PSIHOLOŠKE TRAUME

Da nije bilo oružja, izlet prijatelja u Kalinoviku završio bi prepričavanjem dogodovština s roštiljanja, dječak iz Sarajeva danas bi bio živ, a njegov otac ne bi se godinama kajao jer je pušku držao na mjestu dostupnom djetetu, a sedamnaestogodišnjaci iz Mostara bi izlazili u grad umjesto što je jedan smrtno stradao, dok drugom mladost prolazi u zatvoru...

Vatreno oružje "krivac" je i za više od polovine od 253 ubistva počinjena u BiH za četiri godine*!

TO SE NE DEŠAVA "TAMO NEGDJE"

Ubistva povezana sa vatrenim oružjem najčešće se dešavaju u privatnim prostorima, a svako drugo ubistvo desi se u kući, stanu ili dvorištu žrtve. Slijede javni prostori poput ulica, trotoara i parkirališta, a potom kafići, restorani, klubovi i hoteli.

*Istraživanje u oblasti malog oružja i lakog naoružanja 2012 - 2016 (SALW)

TO SE NE DEŠAVA "TAMO NEKOME"

Ubistva počinjena u krugu porodice čine 28,9% svih ubistava, što znači da je svaku četvrtu osobu ubijenu u BiH ubio član porodice. Žene su primarne žrtve, a dvije trećine svih ubijenih žena ubiju članovi porodice.

Skoro svaka druga osoba ubijena u krugu porodice ubijena je vatrenim oružjem. Od svih ubistava koja su počinili članovi porodice, trećinu su počinili intimni partneri – ovakvo nasilje više pogađa žene jer je ogromnu većinu žena (čak 88%!) ubio upravo njihov partner.

Muškarci u dobi od 19 do 35 godina počinili su 40,6% svih ubistava vatrenim oružjem, za šta su najčešće kažnjeni dugogodišnjim zatvorskim kaznama.

SLABOST, A NE SNAGA

Vatreno oružje nije uvijek vezano za smrtne ishode i često se koristi kao sredstvo za nanošenje psihološkog nasilja nad slabijim, emocionalne povrede, zastrašivanje, silovanje, seksualno zlostavljanje, prisile i druge oblike nasilja. Oružje nije snaga, nego slabost, s oružjem ne pokazuješ hrabrost, nego nemoć i strah!

Ne dozvoli da ti, tvoj prijatelj ili prijateljica, član ili članica porodice, mladić ili djevojka, kao ni bilo koja druga osoba iz bliskog okruženja postanete dio ove statistike!

SKRIVENO ORUŽJE, OTVORENA OPASNOST

Većina ubistava povezanih s upotrebom vatrenog oružja – 95,7%, uključivala je nezakonito vatreno oružje. Čak 53% posto ispitanika kaže kako bi se osjećalo manje sigurno sa oružjem kod kuće. Oružju nije mjesto u kući!

Zakoni u BiH prepoznaju amnestiju od sudskog procesuiranja svakog ko dobrovoljno preda oružje u nelegalnom vlasništvu, tako da se takvo oružje može dobrovoljno predati pozivom na 122 nadležnoj policijskoj agenciji u BiH - bez straha od sankcije! Pozivom prema nadležnoj policijskoj agenciji bez sankcije se mogu prijaviti i vatreno oružje, municija i eksplozivne naprave odloženi na javnim mjestima ili površinama.

Detalji tragedije u Kalinoviku: Nemanja je povikao "ne okreći je ovamo", čuo se pucanj i pao je mrtav

Autor: M. M.

09.08.2021. / 17:41

297 < f

Dvadesetšestogodišnji Marko Sladoje iz Kalinovika osumnjičen je da je sinoć u mjestu Ulog u toj općini hicem iz puške ubio svog prijatelja Nemanju Koprivicu (30), također iz Kalinovika.

Mladić je, kako saznajemo, svog najboljeg druga usmrtio slučajno. Naime, kako nam je otkrio izvor blizak istrazi, grupa od pet mladića, koji su dobri prijatelji i redovno se družje, jučer je bila na izletu na izletištu Zelenac u ovom mjestu.

Dnevni avaz

NAJNOVIJE VLJESTI **KORONAVIRUS** CRNA HRONIKA GLOBUS SPORT SHOWBIZ LIFESTYLE ZABAVNO

Tragedija u Sarajevu: Dječak se ubio čisteći očevu pušku

Na mjesto događaja stigli su policija i Hitna pomoć

A. Ka.

09.01.2017

BLIC • VESTI • HRONIKA

UBIO VRŠNJAKA ZBOG DUGA Stravični zločin šokirao građane Mostara

Skoro do ponoći sinoć je trajao uviđaj na nekadašnjem rudarskom kopu Vihovići u Mostaru, gde je u 19.30 sati J. Dž.(17) hicima iz automatskog oružja izrešetao svog vršnjaka D. V.

Piše: Avaz · 02.02.2019, 12:15

0

